

33658

III

Meg. St. Dr.







(Exrte 2/35.) 10 kof. 3 x x iv 2/35

# CORONA ANIMORUM

## ELOQVENTIA

Olim

à CAROLO V. Sacri Romani Imperij CORONATO,  
In JOANNE Polono (inter Legati Officia) verè Tullio,  
approbata,

*Nunc verò, ad Coronidem anni scholastici, exantlato in Palladia  
arena Minervæ Stadiodromorum labores Coronantem,*

Ab Illustri, Magnifica ac Prænobili JUVENTUTE  
Collegij ZODZISCENSIS Societatis JESU,

*Metagymnastico Dramate,*

Ad oculorum simul & animorum oblectamentum

PROPOSITA.

Anno ANIMORVM desideria CORONANTIS Regis Regum 1716. Die 31. Iulij,  
Eiusdem CAROLI V. Heroi, D. LOIOLÆ Sacrà.

33. 65 p. III.

### ARGUMENTUM.

**A**gnovit veram in JOANNE Polono, Sigismundi Primi Legato, CORONAM ANIMORUM ELOQVENTIAM Carolus V. Romanorum Imperator, ubi diserto illum ore perorantem præmiatus, inter GRANDES retulit Hispaniæ. Magister Sebastianus Penzinger in Comp: 4. Mundæ Monarch: Disc: 4. Conc: 3. Hist: 4ta pag: 398.

### PROLOGVS.

Genius JOANNIS è fluctibus ignorantiae & ruditis liberatus, à Sapientia ad suum invitatur Imperium, codiceq; cui titulus: CORONA ANIMORUM donatus, ad Solium honoris evehitur, in quo illud sibi ingeminans: *Musis amicam gaudet honor redimere frontem*, docet, quanti sit à nobilibus Genija aestimanda, summos conferens honores Sapientia.

### ACTVS PRIMVS.

**SCENA 1ma.** Ferdinandus Cortesius Caroli V. Imperatoris Heros, partà de Potenchianis & Rege Metakumæ victorià (de quo P. Joan: Kwiatkiewicz in Ann: Eccl: ad Ann: 1519. num: 12.) spolijs onustus rediens, Carolo laurum, signum triumphi deferit, illud Ciceronis adiiciens: *cedant arma togæ, concedat laurea lingvæ*. Cui Cæsar in præmium primum honoris vacantem appromittit.

**SCENA 2da** Nunciatur Cæsari adventus Legati è Regno Poloniarum, & simul mors cujusdam è Grandibus Hispaniæ. Cæsar suscipiendo intentus hospiti, vacantem recenter honorem post fata proximè dicti Grandis, Cortesio conferre differt, expediq; lætissimam Latij Nobilitatem ad JOANNEM legatum Poloniæ deducendum in Palatium.

**SCENA 3tia.** Susceptus à Cæsare pro dignitate JOANNES, dum Legati functionem diserto ore à prolixis Caroli laudibus inceptam, non viliori concludit facundiâ, Latini Senatûs Oraculo, Polonus Tullius proclamatur, Cæsar verò gemmâ non levis momenti, illud Ovidij insculptum referente: *qui sapit, innumeris laudibus aptus erit*, eundem, ut gemmam Oratorum, donat, insuper eidem recenter vacantem Grandis Hispaniæ honorem conferre volens, nè hos sibi promissos priûs titulos hic & nunc JOANNI impediât Cortesius, illi, prolato non ita pridem ad se ab ipso Cortesio Ciceronis persvadet stylo: *cedant arma togæ, concedat Laurea lingvæ*, dissimulante Heroe.

**SCENA 4ta.** Cortesius partim ob mutatam in promisso sibi primo vacante Cæsaris voluntatem, partim ob innatum literatorum odium perturbatus, cum Livorno in necem JOANNIS, urpote alienigenæ Patrios honores pefessuri conspirat.

**SCENA 5ta.** Livornus ex loco conspirationis gradum movens, obviam habet mortem, à qua illud Euripidis ingeminari audiens: *mens una sapiens plurimum vincit manus*: consternatur, nihilominus id de sua dolosa interpretatus Sapientia, spondet sibi suas fraudes de JOANNE, Cæsareis & Senatûs Latini stipato gratijs, victoriam daturus.

CHORVS



## C H O R V S.

Genius JOANNIS ad concessum sibi à Sapiencia denuò pergens thronum, Cruces se retardantes subitò è terra profluentes miratur, docetq; thronum Sapiencie, non nisi per multas Cruces à Literatis possideri, juxta illud: *non jacet in molli veneranda scientia lecto, illa sed assiduo parta labore venit: & illud: multa tulit, fecitq; puer, sudavit & alsit. Co.*

## I N T E R L V D I V M.

### A C T U S S E C U N D U S.

**SCENA 1ma.** Bratillus pridem Livorno insensus, obvium eundem pugione transfigit, ipseq; se fugà è loco cædis desperabundus subducit. Ita mors non pridem visa, fata Livorno, non JOANNI indicabat.

**SCENA 2da.** JOANNES pergens à Cæsare, incidit in cadaver Livorni proprio madentis tabo, cujus præpropere dum luget fata, à superveniente Cortesio, ut cædis perpetratæ author retrò ad aulam ducitur.

**SCENA 3tia.** Cortesius contra insinuatam criminis occisi Livorni JOANNEM, Cæsarem ad indignationem incitat, quare Cæsar sub honesta illum custodia haberi jubet, donec brevi sub eadem in Poloniæ à suo judicandus Sigismundo, remittatur.

**SCENA 4ta.** Abscedens a conspectu Cæsaris JOANNES, diserto, modesto tamen ore breves ac inconstantes aularum deslet favores, cui improperat Cortesius, illudq; obijcit: *non cedent arma toga, nec cedit Laurea lingua*, cuncta è suo Solio audiente Cæsare.

**SCENA 5ta.** Post abscellum JOANNIS, Carolus hinc eloquij JOANNIS gravitatem, inde offensam Sigismundi Primi, Patris Principum suo sæculo nuncupau, sibiq; pro suppetijs contra Gallos opportuni, & jura Gentium, ac pravum Cortesij erga JOANNEM affectum perpendens, JOANNEM per lectissimos aulicorum ad aulam reduci curat.

## C H O R V S.

Genius JOANNIS inter volumina quiescens, cælestium Geniorum cantu, & Diviniore supervolitante Columba expergefactus, docet, verà Sapiencià non homines solùm, sed etiam ipsos mune delectari Cælitæ.

## I N T E R L V D I V M.

### A C T U S T E R T I U S.

**SCENA 1ma.** Dum solus JOANNES inter volumina Ovidij quærit lenimen doloris, incidit in illud Libri 2. Tristium: *nulla quidem sanè gravior, mentiq; potenti pena est, quàm tanto displicuisse viro. Sed solet interdum fieri placabile Numen, nube solet pulsa canis ire dies*, Et ecce lectissima Latij Juventus cum debito honore JOANNEM ad Cæsarem invitans, liberumq; à custodia, ac omni metu declarans, lectum modò Ovidij verificat sensum.

**SCENA 2da.** JOANNES cum honore in aulam reductus, & susceptus, à Cæsare iterum sibi favente munitionem in Patriam, & instrumentum absolutæ Legationis suæ, diserto expetit Eloquio.

**SCENA 3tia.** Bratillus criminis occisi Livorni conscius, & ex eo in amentiam actus, in Palatium irrupit crimenq; fatetur, quare ille morti adjudicatur, Cortesius inimicus JOANNIS, ad exercitum in primo prælio hostili obijciendus furori expeditur, illo impleto: *cedant arma toga*, dum Heros Cortesius pacifico Sapienci cedit JOANNI, JOANNES verò omnium adversitatum victor proclamatur, juxta illud: *mens una sapiens plurimum vincit manus*.

**SCENA 4ta.** Carolus mentor illius disti Arpinatis, quod in Republica Romana Eloquentia (quam summam toties in JOANNE est expertus) semper primas tenere debeat, JOANNEM inter Grandes Hispaniæ refert, mox cum hoc titulo in Poloniam ad Sigismundum relegandum.

**SCENA 5ta.** Senatus & Aula neo-Grandi applaudens, illa implet, qui sapit innumeris laudibus dignus erit. Cæsar in signum majoris benevolentiae, honorisq; non pridem læsi restitutionem, laurum prius sibi à Cortesio oblatam, Ejusdem capiti imponit, verius hic illa enodando: *concedat Laurea Lingua*.

## I N T E R L V D I V M.

### E P I L O G V S.

Sapiencia ex occasione Coronatæ in IOANNE Eloquentiæ, ANIMORUM CORONAM, desideriorum Coronidem, exantlatorum laborum præmium, Palladijs Agonothetis ad altiores Classes impertitur Promotionem.

*Ad M. D. T. O. M. G. B. V. M. S. L. O. C. Honorem.*

*D. IGNATII Literarum Instauratoris Venerationem.*





bi-  
ni.  
d:

à è  
uar.  
ra-  
ur.  
tio-  
ni-

on-  
nec

fama  
op-  
N-

ante  
tes.

Li-  
vi-  
ruffi-  
ac

ma-

rum-  
itum  
Cor-  
uxia

lum-  
Hi-

gnus  
as si-  
va.

Co-  
nem.

1.



